



Broj: K-II-01/06

Sarajevo, 16. januar 2006. godine

SAOPŠTENJE ZA JAVNOST

Komisija za ljudska prava pri Ustavnom sudu Bosne i Hercegovine (u daljnjem tekstu: Komisija) održala je od 12-16. januara 2006. godine svoju 1. sjednicu u 2006. godini, na kojoj je razmatrala 220 individualnih prijava, u kojima se tvrdi povreda ljudskih prava i temeljnih sloboda, zagarantovanih Aneksom 6. Općeg okvirnog sporazuma za mir u Bosni i Hercegovini.

Komisija je u više individualnih ili grupnih odluka utvrdila povrede ljudskih prava i sloboda podnosilaca prijava.

Osim toga, Komisija je usvojila Rješenje o neprovođenju odluke, u predmetu CH/99/3196, *Avdo i Esma Palić protiv Republike Srpske*, od 9. novembra 2000. godine. Komisija je zaključila da Republika Srpska, ni nakon više od 5 godina od dana usvajanja konačne i obavezujuće odluke, uprkos određenim pozitivnim pomacima, nije, s jedne strane, provela "potpunu istragu kojom će se moći ispitati sve činjenice [a] u vezi sa sudbinom pukovnika Palića od dana njegovog prisilnog odvođenja i [b] u pogledu izvođenja počinitelaca pred lice pravde" (zaključak broj 7. Odluke), niti je, s druge strane, tužena strana oslobodila "pukovnika Palića, ukoliko je još uvijek na životu, ili, u suprotnom, dopusti[la] gđi Palić preuzimanje njegovih posmrtnih ostataka" (zaključak broj 8. Odluke). U skladu sa Pravilima procedure Komisije, usvojeno rješenje se dostavlja javnom tužiocu na daljnji postupak, kao i stranama u postupku.

Registar Komisije za ljudska prava pri
Ustavnom sudu Bosne i Hercegovine,
dr iur. Nedim Ademović